

各位朋友午安：

元朗大會堂係一間慈善福利機構，服務左元朗居民近四十年。近十年來我地開始協助區內少數族裔人士融入華人社會，教佢地講廣東話，認識社區各項設施同埋服務，參予社區事務同埋幫助佢地就業。

今次我地非常高興能夠為政制及內地事務局推行少數族裔人士支援服務中心，在未來兩年，我地會為有需要人士提供語文學習班，包括中文、廣東話同埋英文，我地都會因應佢地唔同嘅語文程度而定有初級班、進階班同埋高級班，以滿足唔同嘅需要。我地喺元朗市中心新成立左一間服務中心，此外喺天水圍、屯門、荃灣、大埔同埋沙田都有協作機構舉辦語言班，方便居住喺唔同地區嘅少數族裔人士。除左舉辦語言班外，喺社區內，我地都可以為有需要嘅人士同埋機構做一D簡單嘅即時傳譯服務，以輔助全港性嘅翻譯中心繁重嘅工作。除左語言服務之外，我地都繼續推行多元化嘅小組同埋大型活動，協助少數族裔人士擴大社區及支援網絡，認識同埋使用社區資源，參予社區事務，協助兒童及青少年順利就讀本地學校同埋升學，協助就業，盡快融入主流社會。香港係一個多種族社會，我喺呢度亦都呼籲社區人士能夠摒棄歧見，消除歧視，接納佢地，創造一個平等機會嘅生活環境，與少數族裔人士融洽地相處，和諧地一起生活，多謝各位。